

ANEXO II
DECLARACIÓN SOBRE OUTRAS AXUDAS

<div style="border: 1px solid black; background-color: #ffffcc; width: 100%; height: 15px; margin-bottom: 5px;"></div> , con DNI <div style="border: 1px solid black; background-color: #ffffcc; width: 100px; height: 15px; display: inline-block;"></div> , como representante de <div style="border: 1px solid black; background-color: #ffffcc; width: 100%; height: 15px; display: inline-block;"></div> , con CIF <div style="border: 1px solid black; background-color: #ffffcc; width: 100px; height: 15px; display: inline-block;"></div> , e enderezo <div style="border: 1px solid black; background-color: #ffffcc; width: 100%; height: 15px; display: inline-block;"></div>
DECLARA:
Que en relación coa orde da Consellería do Medio Rural, do <div style="border: 1px solid black; background-color: #ffffcc; width: 100px; height: 15px; display: inline-block;"></div> sobre axudas para fomentar a produción de produtos agroalimentarios de calidade de orixe animal, solicitou (no caso de estar concedida, indicalo) para os gastos obxecto deste expediente de subvención axudas a través de: <div style="border: 1px solid black; background-color: #ffffcc; width: 100%; height: 15px; margin-top: 5px;"></div> <div style="border: 1px solid black; background-color: #ffffcc; width: 100%; height: 15px; margin-top: 5px;"></div> <div style="border: 1px solid black; background-color: #ffffcc; width: 100%; height: 15px; margin-top: 5px;"></div>
<input type="checkbox"/> Ningunha outra axuda.
E para que conste, para os efectos oportunos, asina esta declaración. <div style="border: 1px solid black; width: 100%; height: 15px; margin-top: 5px;"></div> <div style="border: 1px solid black; width: 100%; height: 15px; margin-top: 5px;"></div> <div style="border: 1px solid black; width: 100%; height: 15px; margin-top: 5px;"></div>
Asdo:

CONSELLERÍA DO MAR

Orde do 15 de decembro de 2009 pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede á súa convocatoria para o ano 2010.

A regulación da actividade de marisqueo a pé atópase recollida nos artigos 28 e seguintes da Lei 6/1993, do 11 de maio, de pesca de Galicia; no Decreto 425/1993, do 17 de decembro, polo que se refunde a normativa vixente sobre o permiso de actividade pesqueira e marisqueira, así como na Orde do 31 de maio de 1995 pola que se regula a expedición e revalidación do permiso de explotación para exercer a actividade.

Esta normativa establece que, con carácter xeral, as/os mariscadoras/es deben cesar na súa actividade, dándose de baixa no censo correspondente, no mesmo día que fagan os 65 anos, polo que, en tales circunstancias, poderían solicitar a correspondente pensión de xubilación, de conformidade coa normativa vixente en materia de seguridade social.

Non obstante, existe un colectivo de mariscadoras/es que ao finalizar a súa actividade profesional por faceren a idade anteriormente indicada non pode desfrutar da pensión de xubilación por non ter o período mínimo de cotización requirido pola Seguridade Social.

Así mesmo, o desenvolvemento de disposicións en materia de seguridade social que instrumentaron, mediante a institución do convenio especial, a inclusión de distintos colectivos en diversos réximes do sistema permite, na actualidade, dar solución e cobertura a estas/es mariscadoras/es.

Deste xeito, faise necesario o establecemento de axudas asistenciais que permitan, dunha parte, colaborar no pagamento das súas cotizacións para completar, mediante a subscrición dun convenio especial coa Seguridade Social, os seus períodos mínimos de cotización ao réxime especial dos traballadores do mar, co obxecto de alcanzar unha pensión de xubilación e, doutra parte, facilitar a súa subsistencia durante o transcurso do tempo necesario para completar as cotizacións.

En consecuencia, ditáronse as ordes do 8 de agosto de 2007, do 23 de novembro de 2007 e a do 21 de novembro de 2008, co fin de establecer as bases reguladoras das axudas para que as/os mariscadoras/es a pé completasen os períodos mínimos de cotización ao réxime especial dos traballadores do mar co obxecto de alcanzar a pensión de xubilación.

Como se manteñen as circunstancias que motivaron as referidas ordes, procede estender a súa acción protectora ao longo do exercicio de 2010, polo que, de acordo con todo o exposto e con suxeición ao sinalado na Lei 9/2007, do 13 de xuño, de subvencións de Galicia, esta orde establece as bases reguladoras das axudas, durante 2010, para que as/os mariscadoras/es a pé poidan completar os períodos mínimos de cotización ao réxime especial dos traballadores do mar, mediante a subscrición de convenio especial, co obxecto de alcanzar a pensión de xubilación na súa modalidade contributiva.

En consecuencia, facendo uso das facultades que me confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia,

DISPOÑO:

Artigo 1º.-Obxecto e ámbito de aplicación.

1. Esta orde ten por obxecto establecer as bases reguladoras das axudas asistenciais e de subsistencia para que as/os mariscadoras/es a pé poidan completar os períodos mínimos de cotización ao réxime especial dos traballadores do mar, co fin de alcanzar

a pensión de xubilación na súa modalidade contributiva, así como a súa convocatoria para o ano 2010.

2. Estas axudas serán aplicables en todo o territorio da Comunidade Autónoma de Galicia.

Artigo 2º.-Beneficiarias/os das axudas.

1. Poderán solicitar as axudas reguladas nesta orde as/os mariscadoras/es que reúnan os requisitos establecidos no artigo seguinte e que no período comprendido entre o 1 de novembro do ano anterior ao da convocatoria e o 31 de outubro do ano da convocatoria estean nalgunha das situacións sinaladas a continuación:

a) Que tivesen o permiso de explotación para o marisqueo a pé (Permex) en vigor ata o día inmediato anterior á data en que fagan os 65 anos.

b) Que, unha vez feitos os 65 anos, teñan prorrogado o Permex.

2. Igualmente, poderán solicitar as axudas reguladas nesta orde as persoas que obtiveron axuda na derradeira convocatoria, pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación.

Artigo 3º.-Requisitos das/os beneficiarias/os.

1. As/os beneficiarias/os deberán:

a) Ter exercido a actividade marisqueira a pé durante os dez anos anteriores á data de cesamento nesta.

b) Ter cotizado á Seguridade Social un período mínimo de 10 anos. Non obstante o anterior, bastará un período mínimo de 9 anos para as persoas solicitantes que cumpran as condicións do artigo 2 no período comprendido entre o 1 de novembro e o 31 de decembro do ano anterior á convocatoria.

En cada unha das convocatorias anuais sucesivas que se realicen, a cada período mínimo establecido no parágrafo anterior engadiráselle un ano.

c) Estar ao día, con anterioridade a ditarse a proposta de resolución de concesión, nas súas obrigas tributarias estatais e autonómicas e coa Seguridade Social, así como non ter pendente de pagamento ningunha outra débeda, por ningún concepto, coa Administración pública da comunidade autónoma.

d) Asinar un convenio especial coa base mínima do grupo III, tarifa 9, do réxime especial dos traballadores do mar, ou ter asinado convenio especial de base igual ou superior a aquel.

e) Non ser beneficiaria/o de ningunha outra axuda para a mesma finalidade e non ser perceptora/or de pensión de xubilación ou incapacidade permanente.

f) Non estar incurso/a en prohibición que lle impida ter condición de beneficiaria/o de subvencións.

2. Ás persoas comprendidas no número 2 do artigo 2º non se lles exixirá o requisito sinalado na letra a) do número 1 deste artigo.

Artigo 4º.-Contía das axudas.

1. As/os beneficiarias/os percibirán unha axuda asistencial consistente no seguinte:

-Módulo a) de importe mensual igual ao correspondente á pensión mínima de xubilación para maiores

de 65 anos (sen cónxuxe a cargo) durante o ano a que corresponda a convocatoria.

-Módulo b) de importe mensual igual ao da cota dun convenio especial coa base mínima do grupo III, tarifa 9, do réxime especial dos traballadores do mar durante o ano a que corresponda a convocatoria.

2. A axuda percibirana ao longo do ano natural e iniciaranse os seus efectos económicos na data de cumprimento dalgunha das condicións indicadas no artigo 2º e nunca antes do un de xaneiro do ano a que corresponda a convocatoria.

3. A contía das axudas está condicionada, en todo caso, á existencia de dispoñibilidades orzamentarias.

Artigo 5º.-Dotación orzamentaria.

1. As axudas concederanse por importe máximo de 1.508.000 euros e imputaranse á aplicación 14.03.722A.780.0, proxecto 2010 01034, do proxecto de orzamentos xerais da comunidade autónoma para o ano 2010. Esta orde tramítase de acordo co disposto na Orde do 11 de febreiro de 1998, da Consellería de Economía e Facenda, sobre tramitación anticipada de gastos, modificada polas ordes do 27-11-2000 e do 25-10-2001, polo que a súa eficacia queda condicionada á existencia de crédito adecuado e suficiente nos orzamentos desta consellería para o ano 2010.

2. Non obstante, prevese a posibilidade de ampliar o crédito en virtude do artigo 31 da Lei 9/2007, de subvencións de Galicia. Desta maneira, o importe consignado en cada convocatoria, así como a aplicación/s á/ás cal/es se impute, poderá ser ampliado en función das dispoñibilidades orzamentarias sen que iso dea lugar á apertura de novo prazo de presentación de solicitudes, salvo indicación expresa en contrario na orde que se publique para o efecto.

Artigo 6º.-Prazo de presentación de solicitudes.

O prazo de presentación das solicitudes será o seguinte:

a) Para as persoas comprendidas no número 1 do artigo 2º, un mes contado desde o día seguinte ao do cumprimento dalgunha das situacións sinaladas nas súas letras a) e b).

b) Para as persoas comprendidas no número 2 do artigo 2º, un mes contado desde o día seguinte ao da publicación desta orde.

Artigo 7º.-Solicitudes.

1. As solicitudes para acceder a estas axudas presentaranse na oficina do Rexistro Único e Información do complexo administrativo de San Caetano ou nas oficinas de rexistro previstas no Decreto 164/2005, do 16 de xuño (DOG nº 121, do 24 de xuño). Así mesmo, poderán presentarse nos demais lugares e formas previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. As solicitudes formalizaranse nos impresos oficiais que se inclúen no anexo I desta orde e deberán xuntar os seguintes documentos:

a) Copia cotexada do documento nacional de identidade.

b) Informe da vida laboral expedido pola Tesouraría Xeral da Seguridade Social.

c) Compromiso de subscribir o convenio especial a que se refire a letra d) do artigo 3º co Instituto Social da Mariña (anexo II), ou copia do convenio especial asinado.

d) Declaración de non ser beneficiario de ningunha outra axuda para a mesma finalidade e de non ser perceptor de pensión de xubilación ou incapacidade permanente (anexo III).

e) Declaración responsable de non estar incurso en prohibición que lle impida ter a condición de beneficiario de subvencións (anexo IV).

f) Anexo V debidamente cuberto.

g) Certificación bancaria do número de conta en que se deberá ingresar o importe da axuda.

3. De acordo co establecido no artigo 20.3º da Lei 9/2007, de subvencións de Galicia, a presentación da solicitude de concesión da axuda comportará a autorización ao órgano xestor para solicitar as certificacións que deban emitir a Axencia Estatal de Administración Tributaria, a Tesouraría Xeral da Seguridade Social e a Consellería de Economía e Facenda da Xunta de Galicia, co fin de acreditar que a/o solicitante está ao día nas obrigas tributarias e coa Seguridade Social e que non ten pendente de pagamento ningunha débeda, por ningún concepto, coa Administración pública da Comunidade Autónoma galega. Non obstante, a/o solicitante poderá denegar expresamente o consentimento, caso en que deberá presentar as certificacións. Igualmente, se por razóns técnicas ou doutra índole estes certificados non puidesen ser obtidos polo órgano xestor, poderán serlle requiridos á/ao interesada/o.

4. As/os solicitantes deberán comunicarlle á conselleira toda variación que se produza na súa situación respecto da Seguridade Social, no prazo máximo dos cinco días seguintes a aquel en que esta se produza. Así mesmo, no caso de falecemento dalgunha ou dalgún solicitante, este feito deberá ser comunicado polos seus herdeiros, coa maior brevidade posible e dentro dos 10 días seguintes ao falecemento, debendo presentar o certificado de defunción.

Artigo 8º.-*Emenda.*

1. Revisadas as solicitudes pola Subdirección Xeral de Xestión de Recursos Mariños, poderá reclamarse en caso de documentación incompleta ou defecto desta, por escrito ás/aos interesadas/os para que nun prazo de dez (10) días remitan cantos datos, documentos complementarios e aclaracións se consideren necesarios para poder resolver o expediente, coa indicación de que, se así non o fixesen, se considerará que desistiron da súa petición, logo de resolución que deberá ser ditada nos termos previstos no artigo 42 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Sen prexuízo do anterior, en calquera momento do procedemento a Consellería do Mar poderá requirir

aqueles datos ou documentos complementarios que resulten necesarios para a tramitación e adopción da resolución que proceda.

Artigo 9º.-*Procedemento de concesión e órgano avaliador.*

1. Polo obxecto e finalidade destas axudas, que se concederán dentro dos límites orzamentarios, a todas/os as/os beneficiarias/os que reúnan os requisitos exigibles, non será necesario realizar nin comparación nin prelación das solicitudes presentadas, polo que neste procedemento non procede a concorrencia competitiva.

2. A concesión destas axudas tramitarase polo procedemento abreviado establecido no artigo 22 da Lei 9/2007, polo que non intervirá o órgano avaliador a que se refire a citada norma legal.

Artigo 10º.-*Resolución e aceptación.*

1. A resolución destas axudas correspóndelle á conselleira do Mar. Non obstante, de acordo co sinalado nos artigos 7.3º da Lei 9/2007, do 13 de xuño, de subvencións de Galicia, e 13 da Lei 30/1992, do 26 de novembro, de réxime xurídico das administracións públicas e do procedemento administrativo común, a resolución destas axudas queda delegada no director xeral de Ordenación e Xestión dos Recursos Mariños.

2. A resolución de concesión da axuda, así como a súa notificación ás/aos beneficiarias/os, realizaranse segundo o sinalado no título I da Lei 9/2007 citada.

3. O prazo máximo para a duración do procedemento será de 60 días, que se computarán conforme o sinalado no artigo 48 da Lei 30/1992, do 26 de novembro, de réxime xurídico das administracións públicas e do procedemento administrativo común, e a partir da presentación da solicitude nos lugares indicados no artigo 7º.

4. A resolución notificaráselles aos interesados para que no prazo de 10 días comuniquen a súa aceptación ou o rexeitamento da axuda nas condicións expresadas nela. Transcorrido este prazo sen producirse manifestación expresa, entenderase tacitamente aceptada a axuda segundo dispón o artigo 21.5º da Lei de subvencións de Galicia.

Artigo 11º.-*Recursos.*

Contra a resolución que se dite, que pon fin á vía administrativa, poderase interpor, con carácter potestativo, recurso de reposición ante a conselleira do Mar no prazo dun (1) mes, ou recurso contencioso-administrativo ante o órgano xurisdiccional competente no prazo de dous (2) meses, contados, en ambos os dous casos, a partir do día seguinte ao da notificación da resolución, que sempre será expresa.

Artigo 12º.-*Xustificación e pagamento.*

1. A axuda liquidarase mensualmente e é imprescindible para a súa xustificación e pagamento que as/os beneficiarias/os presenten, para o primeiro pagamento, copia compulsada do convenio especial asinado co Instituto Social da Mariña, xunto co anexo VI datado e asinado.

2. A Administración, para o primeiro pagamento, unirá aos anteriores xustificantes a documentación, relativa a cada beneficiaria/o, que se indica a continuación:

a) Certificacións de estar ao día no cumprimento das obrigas tributarias e de Seguridade Social e de non ter débedas pendentes, por ningún concepto, coa Administración da comunidade autónoma.

b) Certificación bancaria do número de conta no que se deberá ingresar o importe da axuda.

3. Para os pagamentos sucesivos bastarán as certificacións de estar ao día no cumprimento das obrigas tributarias e coa Seguridade Social e de non ter débedas pendentes, por ningún concepto, coa Administración da comunidade autónoma.

Artigo 13º.-*Obrigas das persoas beneficiarias.*

1. As persoas beneficiarias deberán comunicarlle á consellería calquera modificación das condicións tidas en consideración para a concesión da axuda, no prazo dos cinco días seguintes a aquel en que esta se produza.

2. As persoas beneficiarias someteranse ás actuacións de control, comprobación e inspección que efectúe a consellería, ás de control financeiro que correspondan á Intervención Xeral da Comunidade Autónoma e ás que a lexislación vixente lles atribúa a outros organismos da comunidade autónoma.

3. Igualmente, someteranse ás obrigas establecidas na Lei 9/2007 citada.

Artigo 14º.-*Causas de extinción da axuda.*

A percepción da axuda extinguirase polas seguintes causas:

a) Por quedar a/o beneficiaria/o comprendida/o, pola realización de actividade, no campo de aplicación de calquera réxime dos que integran o sistema da Seguridade Social.

b) Por adquirir a condición de pensionista de xubilación ou de incapacidade permanente en calquera dos réximes do sistema da Seguridade Social.

c) Por falecemento da/o beneficiaria/o.

d) Por cumprir os requisitos necesarios para causar pensión de xubilación.

e) Pola falta de pagamento reiterada das cotas do convenio especial asinado pola/o beneficiaria/o co Instituto Social da Mariña.

Artigo 15º.-*Reintegro.*

1. Procederá o reintegro total ou parcial da subvención concedida, así como do xuro de demora correspondente desde o momento do pagamento da subvención ata a data en que se acorde a procedencia do reintegro, nos supostos establecidos no título II da Lei 9/2007, do 13 de xuño, de subvencións de Galicia.

2. Para o devandito procedemento de reintegro terase en conta o establecido no capítulo II do título II da Lei de subvencións de Galicia.

Disposicións adicionais

Primeira.

1. A Consellería do Mar publicará no *Diario Oficial de Galicia* as subvencións concedidas con suxeición a esta orde, indicando o programa e crédito orzamentario a que se imputan, beneficiaria/o, cantidade concedida e finalidade da subvención.

2. Así mesmo, de conformidade co establecido no artigo 13, punto 4º da Lei 4/2006, do 30 de xuño, de transparencia e boas prácticas na Administración pública galega, a Consellería do Mar publicará na súa páxina web oficial a relación de beneficiarias/os e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

Segunda.

En todo o non previsto nesta orde observarase o disposto na Lei 30/1992, do 26 de novembro, de réxime xurídico das administracións públicas e do procedemento administrativo común, na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, e nos preceptos básicos da Lei 38/2003, do 17 de novembro, xeral de subvencións.

Terceira.

As persoas que percibiron axudas na derradeira convocatoria, pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, para beneficiarse desta convocatoria unicamente deberán presentar os anexos I, III, IV e V, debidamente cubertos, salvo que se atopasen nalgún suposto de extinción da axuda.

Disposición transitoria

Aquelas solicitudes que non puidesen ser atendidas no período correspondente, polo transcurso dos prazos establecidos para a súa resolución e pagamento, poderán ser tomadas en consideración na seguinte convocatoria, trasladando os seus efectos económicos ao posterior exercicio.

Disposicións derradeiras

Primeira.-Facúltase o director xeral de Ordenación e Xestión dos Recursos Mariños para que dite as resolucións necesarias para o desenvolvemento e aplicación desta orde.

Segunda.-Esta orde producirá efectos desde o día seguinte ao da súa publicación no *Diario Oficial de Galicia*.

Santiago de Compostela, 15 de decembro de 2009.

Rosa María Quintana Carballo
Conselleira do Mar



XUNTA DE GALICIA
CONSELLERÍA DO MAR
 Secretaría Xeral

Edificio Administrativo San Caetano, 5
 15781 SANTIAGO DE COMPOSTELA
 Teléfonos 981 54 40 38 - 981 54 40 19
 Fax 981 54 40 37

ANEXO I

PROCEDEMENTO AXUDAS PARA QUE OS/AS MARISCADORES/AS A PÉ POIDAN COMPLETAR OS PERÍODOS MÍNIMOS DE COTIZACIÓN	CÓDIGO DO PROCEDEMENTO PE152A	DOCUMENTO SOLICITUDE
--	---	--------------------------------

1.- DATOS DO SOLICITANTE

NOME E APELIDOS DO/A SOLICITANTE		DNI	
<input type="text"/>		<input type="text"/>	
ENDEREZO	PROVINCIA	CONCELLO	
<input type="text"/>	<input type="text"/>	<input type="text"/>	
LOCALIDADE	CÓDIGO POSTAL	TELÉFONO	FAX
<input type="text"/>	<input type="text"/>	<input type="text"/>	<input type="text"/>
CORREO ELECTRÓNICO			
<input type="text"/>			

E na súa representación:

NOME E APELIDOS		NIF/CIF	
<input type="text"/>		<input type="text"/>	
ENDEREZO	PROVINCIA	CONCELLO	
<input type="text"/>	<input type="text"/>	<input type="text"/>	
LOCALIDADE	CÓDIGO POSTAL	TELÉFONO	FAX
<input type="text"/>	<input type="text"/>	<input type="text"/>	<input type="text"/>

2.- OBXECTO

AXUDAS ASISTENCIAIS E DE SUBSISTENCIA	IMPORTE DA SUBVENCIÓN QUE SE SOLICITA
	<input type="text"/>

3.- DECLARO que reúno todos os requisitos da convocatoria.

4.- ACEPTO o compromiso de someterme ás normas da convocatoria e facilitar a información e documentación que se solicite.

5.- AUTORIZO o órgano xestor para solicitar dos organismos competentes os certificados de estar ao día nas obrigas tributarias e coa Seguridade Social e de non ter débedas pendentes de pagamento á Xunta de Galicia. Non obstante, se por razóns técnicas ou doutra índole estes certificados non puidesen ser obtidos, poderán serme requiridos.

6.- AUTORIZO de conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, que a consellería publique na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase que os datos persoais recollidos nesta solicitude serán incorporados a un ficheiro para o seu tratamento coa finalidade da xestión deste procedemento. Se o desexa pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro, no enderezo que figura ao pé desta solicitude.

LEXISLACIÓN APLICABLE

Orde do 15 de decembro de 2009 pola que se establecen as bases reguladoras das axudas para que os/as mariscadores/as a pé poidan completar os períodos mínimos de cotización ao réxime especial dos traballadores do mar co obxecto de alcanzar a pensión de xubilación, e se procede a súa convocatoria para o ano 2010.

SINATURA DO/A SOLICITANTE

, de de

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA



XUNTA DE GALICIA
CONSELLERÍA DO MAR
Secretaría Xeral

Edificio Administrativo San Caetano, 5
15781 SANTIAGO DE COMPOSTELA
Teléfonos 981 54 40 38 - 981 54 40 19
Fax 981 54 40 37

ANEXO I (continuación)

RELACIÓN DE DOCUMENTACIÓN QUE SE XUNTA Á SOLICITUDE

- Documento nacional de identidade da/o asinante da solicitude.
- Informe da vida laboral expedido polo Instituto Social da Mariña á Tesouraría Xeral da Seguridade Social ou á entidade da Seguridade Social que corresponda.
- Compromiso de subscrición de convenio especial co Instituto Social da Mariña (anexo II) ou copia compulsada do convenio especial asinado.
- Declaración de non ser beneficiaria/o de ningunha outra axuda para a mesma finalidade e de non ser perceptora/or de pensión de xubilación ou incapacidade permanente (anexo III).
- Declaración responsable de non estar incurso/o en prohibición para obter a condición de beneficiaria/ou de subvencións (anexo IV).
- Anexo V debidamente cuberto.
- Certificación bancaria do número de conta.



XUNTA DE GALICIA
CONSELLERÍA DO MAR
Secretaría Xeral

Edificio Administrativo San Caetano, 5
15781 SANTIAGO DE COMPOSTELA
Teléfonos 981 54 40 38 - 981 54 40 19
Fax 981 54 40 37

ANEXO II

COMPROMISO DE SUBSCRIPCIÓN DE CONVENIO ESPECIAL

Don/Dona , con DNI , solicitante das axudas reguladas na Orde do pola que se establecen as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar co obxecto de acadar a pensión de xubilación, e se procede á súa convocatoria para o ano 2010.

DECLARA que, co obxecto de ser beneficiaria/o das axudas arriba indicadas, se compromete a asinar un convenio especial coa base mínima do grupo III, tarifa 9, do réxime especial dos traballadores do mar.

Lugar e data

_____, de _____ de _____

(Sinatura)

OBSERVACIÓN: as/os solicitantes que tivesen asinado un convenio especial de base igual ou superior ao indicado (convenio especial coa base mínima do grupo III, tarifa 9) non estarán obrigadas/os a cubrir este anexo, salvo que opten pola subscrición do convenio sinalado do réxime especial dos traballadores do mar.



XUNTA DE GALICIA
CONSELLERÍA DO MAR
 Secretaría Xeral

Edificio Administrativo San Caetano, 5
 15781 SANTIAGO DE COMPOSTELA
 Teléfonos 981 54 40 38 - 981 54 40 19
 Fax 981 54 40 37

ANEXO III

DECLARACIÓN SOBRE OUTRAS AXUDAS OU PRESTACIÓNS

Don/Dona [] , con DNI [] , solicitante das axudas reguladas na Orde de [] pola que se establecen as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar co obxecto de acadar a pensión de xubilación, e se procede á súa convocatoria para o ano 2010.

DECLARO BAIXO A MIÑA RESPONSABILIDADE QUE SON CERTOS OS DATOS QUE ABAIXO FIGURAN ACERCA DO FINANCIAMENTO DA ACTUACIÓN:

Axudas concedidas:

- Non solicitei nin se me concedeu ningunha outra axuda para este mesmo suposto.
- Non son beneficiaria/o de prestación de pensión de xubilación ou incapacidade permanente.

Lugar e data:

_____, de _____ de _____

(Sinatura)



XUNTA DE GALICIA
CONSELLERÍA DO MAR
 Secretaría Xeral

Edificio Administrativo San Caetano, 5
 15781 SANTIAGO DE COMPOSTELA
 Teléfonos 981 54 40 38 - 981 54 40 19
 Fax 981 54 40 37

ANEXO IV

DECLARACIÓN RESPONSABLE DE NON ESTAR INCURSO EN PROHIBICIÓN PARA OBTEN A CONDICIÓ DE BENEFICIARIO DE SUBVENCIONS

Don/Dona [] , con DNI [] , solicitante das axudas reguladas na Orde do [] pola que se establecen as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar co obxecto de acadar a pensión de xubilación, e procédese á súa convocatoria para o ano 2010.

DECLARO BAIXO A MIÑA RESPONSABILIDADE:

Que non estou incursa/o en ningún dos supostos da Lei 12/1995, do 11 de maio, de incompatibilidades dos membros do Goberno da Nación e dos altos cargos da Administración xeral do Estado, da Lei 53/1984, do 26 de decembro, de incompatibilidades do persoal ao servizo das administracións públicas, nin desempeño ningún dos cargos electivos regulados na Lei orgánica 5/1985, do 19 de xuño, do réxime electoral xeral.

E QUE:

Non estou incursa/o en ningunha circunstancia que me inhabilite para ser beneficiaria/o de axudas e subvencións, e en particular:

- Non fun condenada/o mediante sentenza firme á pena de perda da posibilidade de obter subvencións e axudas públicas.
- Non dei lugar, por causa da que fose declarado/a culpable, á resolución firme de calquera contrato celebrado coa Administración.
- Non fun sancionada/o mediante resolución firme coa perda da posibilidade de obter subvencións segundo a Lei 38/2003, do 17 de novembro, xeral de subvencións, ou a Lei xeral tributaria.

Lugar e data:

_____, de _____ de _____

(Sinatura)



XUNTA DE GALICIA
CONSELLERÍA DO MAR
Secretaría Xeral

Edificio Administrativo San Caetano, 5
15781 SANTIAGO DE COMPOSTELA
Teléfonos 981 54 40 38 - 981 54 40 19
Fax 981 54 40 37

ANEXO V

AUTORIZACIÓNS EXPRESAS

Don/Dona [] , con DNI [] , solicitante das axudas reguladas na Orde do [] pola que se establecen as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar co obxecto de acadar a pensión de xubilación, e procédese á súa convocatoria para o ano 2010.

AUTORIZO DE XEITO EXPRESO A CONSELLERÍA DO MAR

1º) Para pedir ao Instituto Social da Mariña, á Tesouraría Xeral da Seguridade Social ou á entidade da Seguridade Social que corresponda información da miña vida laboral, para os únicos efectos da orde indicada.

2º) Para solicitar do Instituto Social da Mariña a realización do estudo de xubilación relativo ao solicitante, para os únicos efectos da orde indicada.

3º) Para solicitar ao Instituto Social da Mariña, á Tesouraría Xeral da Seguridade Social ou á entidade da Seguridade Social que corresponda información sobre o convenio especial que, de ser o caso, tivese asinado, para os únicos efectos da orde indicada.

Lugar e data:

_____ , de _____ de _____

(Sinatura)



XUNTA DE GALICIA
CONSELLERÍA DO MAR
Secretaría Xeral

Edificio Administrativo San Caetano, 5
15781 SANTIAGO DE COMPOSTELA
Teléfonos 981 54 40 38 - 981 54 40 19
Fax 981 54 40 37

ANEXO VI

SOLICITUDE DE LIQUIDACIÓN DE AXUDA

Don/Dona [] , con DNI [] , beneficiario/a das axudas reguladas na Orde do [] pola que se establecen as bases reguladoras das axudas para que as/os mariscadoras/es a pé poidan completar os períodos mínimos de cotización ao réxime especial dos traballadores do mar co obxecto de acadar a pensión de xubilación, e procédese á súa convocatoria para o ano 2010.

SOLICITA:

A liquidación da primeira mensuralidade da axuda concedida, para o que acompaña copia compulsada do convenio especial asinado co Instituto Social da Mariña.

Lugar e data:

_____ , de _____ de _____

(Sinatura)